

nullo timore Dei prædicti, ibi nec est Hierusalem ciuitas Dei, nec benedictio Domini à Zijon, nec  
felix rerum status: sed Babylon ciuitas confusionis, maledictio satanæ, & infelicitissima omnium re-  
rum confusio, in qua ciuitate citò eximi ex hac vita, multò est felicius, quām videre filios filiorum,  
& iram Dei quotidie grassante.

## PSALMVS CXXIX.

## CANTIGVM GRADVVVM.

**G**loriatur populus fidelium, auxilio Domini factum esse, ut nihil contra se conatus impiorum effi-  
cere potuerint.

VERS. I.



1. *AEP E adfixerunt me à iuuentute mea, dicat nunc Israel.*  
 2. *Sæpe adfixerunt me à iuuentute mea, verùm nō præualuerunt mihi.*  
 3. *Supra dorsum meum ararunt aratores, protraxerunt sulcum suum.*  
 4. *Dominus iustus, concidit funes impiorum.*  
 5. *Confundantur & auertantur retrorsum, omnes qui oderunt Zion.*  
 6. *Fiant sicut gramen tectorum, quod priusquam euellatur, arescit.*  
 7. *De quo non implet manum suam, qui metit: nec sinum suum, qui manipulos col-  
ligit.*  
 8. *Nec dicunt prætereuntes: Adsit vobis benedictio Domini, benedicimus vobis in  
nomine Domini.*

LECTIO

*Sæpe adfixerunt me.] Ebr. צָרְרָנִי Græc. ἐποίησαν με. Vulg. Lat. Expugnauerunt me. Sic Hieronymus,  
& Felix. Iustin. Oppugnauerunt me. Pagnin. Multum angustijs affecerunt me. Camp. Vehementer nocere conati  
sunt mihi.*

*Verùm non præualuerunt mihi.] Ebr. לֹא יָכֹל לִזְהַב id est, Etiam non valuerunt mihi. Græc. & vulg. Lat.*

*Etenim non potuerunt mihi. Hieron. Sed non potuerunt mihi. Pagn. Etiam non præualuerunt mihi.*

*Supra dorsum meum ararunt aratores.] Ebr. חֲרַשׁו הַרְשֵׁת. Græc. & vulg. Lat. Fabricauerunt peccatores.  
Hieron. Supra ceruicem meam arabant crantes.*

*Protraxerunt sulcum suum.] Ebr. חֲרַבְתִּי לְמַעַזְתָּה. Græc. & vulgata Latina: Prolongauerunt iniquita-  
tem suam.*

*Concidit funes impiorum.] Ebr. עֲבֹתֶת רְשִׁيعִים. Græc. & vulg. Lat. Ceruices peccatorum. Hieron. Laqueos  
impiorum. Felix: Iugum impiorum. Cætera satis conueniunt.*

EXPLA-

*Sæpe adfixerunt me à iuuentute mea.] Absoluitur hic Psalmus duabus partibus. Prima continet pri-  
NATIO. res quatuor versus, quibus populus Dei contra quosvis inimicorum suorum conatus diuino se  
auxilio sæpenumerò seruatum esse gloriatur: altera absoluitur reliquis quatuor postremis versi-  
bus, quibus omnibus osoribus Zijonis & confusionem & interitum imprecantur.*

*Primitis duobus versibus hortatur Israëlem Psaltes, vt dicat: Sæpe adfixerunt me à iuuentute mea, verùm  
non præualuerunt mihi. Iuuentutem Israelis intelligunt quidam tempus illud, quo in Ægypto detineba-  
tur. Ab eo se canit Israël sæpenumerò ab inimicis adflictatum, & angustijs pressum: verùm semper  
esse seruatum, nec permisum hostibus, vt se prorsus opprimerent. Repetit hanc gloriationē,  
tanquam talem, quæ nunquam sit obliuioni tradenda.*

*Supra dorsum meum.] Quasi dicat: Perinde adfixerunt nos inimici, ac si quis agrum aratro proscin-  
dat. Mentione dorsi innuunt onera seruitutis. Et quoniam illa aliquoties diuturna & prolixafue-  
runt, canunt hostes protraxisse sulcos suos,*

*Dominus iustus, concidit.] Liberationem è seruitute comparant amputationi funium, quibus iuga-  
boum ligantur. Dominus, aiunt, iustus: id est, æquus & bonus, funes impiorum: hoc est, potentiam ac vio-  
lentiam hostium, qua veluti funibus quibusdam detinebamur, nostris misertus concidit. Sic rationem  
reddunt, qua factum sit, vt hostes ipsis non præualuerint.*

Vers. 5. 6. 7.

*Confundantur.] Quatuor hisce versibus primùm confusionem imprecantur hostibus: talem vide-  
licet, qua sensu potentiae Dei perculsi, perinde retrò cedant, ac illi solent, qui ante faciem hostium  
magna cum ignominia terga obuertere coguntur. Quoniam respexerat, ac magna cum gloria libe-  
rauerat Dominus populum Zijon, precantur, vt inde omnes osores ipsorum pudefacti, ab infesta-  
tione & tyrannide sua summo cum dedecore desistere cogantur. Deinde orant, vt perinde arestāt,  
ac gramen tectorum arescere solet. Solet autem illud, licet ad tempus virescat, citius arescere, pro-  
pter humoris defectum. Sic dicunt: Fiant sicut gramen tectorum, quod priusquam euellatur, arescit: quod si  
quis metere vellet, & in manipulos colligere, nec manum, nec sinuin repleret. Neq; tanti momen-  
ti missis esset, vt quisquam ex prætereuntibus benedictionem messoribus huiusmodi appreca-  
tur. Sic sunt tecta in ea regione, vt facile illis gramen innascatur: ac rursus propter Solis ardore, &  
humoris tellurisq; defectum, facile exarescat. Orant igitur, vt ad eum modum impij, etiam ad tem-  
pus virescant, & luculenta fortuna perspicui reddantur, ac potentes, cōfestim tamen omni rerum  
succesu priuati, opibus, gloria, & potentia spoliati, velut arescant, & in nihilum redigantur: tamque  
contempti fiant, quām est fœnum tectorum, cuius nemo vel tantillum habet rationis.*

**O B S E R.** *Sæpe adfixerunt me à iuuentute mea.] Obseruemus hanc vocem populi Dei, populi eius regis, qui do-  
minatur*